

J i  
3849d





Kartth. m. v.

Sammlung

in Vg 848 Alt. vgl.

andere Bände

Rom









2  
2





Römischer Kayserlich=  
en Maiestat Mandat / den Friedlichen  
anstand des Glaubens vnd Re=  
ligion halben / des Heyligen Keychs  
Deutscher Nation belang  
gend / ausgegangen  
Im 1532.

Einerbar Christliche  
vormanung von Keyserlicher  
Maiestat den zug widder den Tys,  
rannen den Türcken  
betreffend



Di.  
25.

L 2, 4430



SS

Er Karl der fünffte etc.

bieten allen vnnnd yeglichen Churfürsten/  
Fürsten/Geistlichen vnd weltlichen pre-  
laten/Grafen/Freyen/Herrn/Rittbern/  
Knechten/Hauptleuten/Landvogten/  
Vitzumben/Vogten/Pflegern/Ver-  
wesern/Amptleuten/Schulthaisen/Bur-  
germaystern/Richtern/Rethen/Bur-  
gern/Gemainden vnnnd sonst allen andern vnsern vnd des  
Reichs vnterthanen vnd getrewen / ynn was wir den / stands  
odder wesens die seyen / denen dieser vnser Keyserlicher brieff/  
odder abschriffte davon / zusteen / vnd zu lesen fur kompt / od-  
der gezeigt würdt. Vnser freundschaft / gnad vnd alles guts.  
Hoch vñ Erwürdig / Hochgeborn lieb freunde, Neuen / Oheim  
Churfürsten vnd Fürsten / Auch wolgeporen / Ersam / Edel/  
Lieb / Andechtig vnnnd getrewe / Dierweil sich ym heyligen  
Reich Deutscher nation mercklich gross yrrungen / zwitteracht  
vnd beschwerung / des glaubens vnd Religion halb / zugetra-  
gen haben / Dadurch / wo von vns mit zeytigem rath darein  
nicht gesehen / krieg / auffrur / vnd widderwertigkeit ym heylig-  
en reich zu vnwidderpringlichem verderben / schaden / vnd  
am letzten / zerstörung ganzer gemeiner Deutscher nation er-  
wachsen würd / sonderlich dieser zeit so der erbfeindt vnser  
heyligen Christlichen glaubens vnnnd namens der Türck ynn  
eygner person mit einer grossen macht außzogen ynn Ungern  
komen / vnnnd des willens ist / furter auff Osterreich vnd an-  
der Deutsch land zu ziehen / vnnnd die selben / ynn sein grau-  
samlichen gehorsam vnd gewalt vnterstehen zupringen / als  
zuuertilgung vnser heyligen Christlichen glaubens / vnd aber  
aus den berürten vnd andern trefflichen vrsachen die merck-  
lich gross notturfft erfordert / die gemein Deutsch nation ynn  
gutem fried vnd eynigkeit zu erhalten / damit der selben ver-  
derbung / schaden vnnnd nachteil verhütet werde / Dem nach  
haben



haben wir / als das obirst haupt / zwischen allen stenden des  
heiligen Reichs Deutscher nation geistlichen vnd weltlichen /  
bist zu einem gemeinen freyen Christlichen Concilij / wie solchs  
auff dem Reichstag zu Turmberg beschlossen ist / odder wo  
das sein furgang nicht haben wurde / bist die Gemeinen stende  
des Reichs / wie hernach volgt / widder auff ein gelegen  
malstat zu einander berufft vnd beschrieben / einen gemeinen  
fried auffzurichten / vnd allenthalben ynn das Reich publicir  
ciren zulassen / furgenomen / wie wir dann aus Römischer Kay  
serlicher macht / vollkommenheit vnd rechten wissen hiemit  
solchen gemainen frieden auffrichten vnd publiciren ynn der  
gestalt / das hie zwischen dem gemelten Concilij / odder das  
die stende / wie obsteet / widder zu einander komen / vnd durch  
ein Reichstag ynn der Religion sachen ander einsehen bez  
schicht keiner den andern des glaubens vnd Religion / noch  
sonst keiner ander ursach halb / bereden / bekriegen / beraub  
ben / fahen / vberziehen / belegern / auch darzu durch sich selber  
odder yemands andern von seinen wegen nicht dienen / noch  
einig schloß / stett / marck / befestigung / dörffer / höfe odder  
weyler / absteppen / odder on des andern willen mit gewaltia  
ger that freuenlich einnemen / odder geferlichen mit prandt  
odder ynn ander weg / dermassen beschedigen / Auch nies  
mands solchen thettern / Rath hilff / vnd ynn kein andere  
weiß beystandt odder fürsuh thun / Auch sie wissentlich  
odder geferlich / nicht beherbergen / behausen / ätzen odder  
trencken / enthalten odder gedulden / sondern ein yeder den  
andern mit rechter freundschaft vnd Christenlicher liebe mei  
nen soll / Wir erpieten vns auch allen vleiß furzuwenden vnd  
zu furdern / damit das ob gemelte Concilium ynn einem hal  
ben Jar ausgeschrieben vnd publiciren vnd darnach ynn ei  
nem Jar gehalten. Aber ym fall so das nicht erlangt wer  
den möchte / das als dann die Gemeynen stende des Reichs /  
widder zu ein ander auff ein gelegne malstadt berufft vnd  
beschrieben wurden / zu Radtschlagen / was des gemelten  
ij Concilij



Concilij vnd sonst ander nöcturfftigen sachen halb / ferner  
 fürzunemen vnd zu handeln sey / vnnnd Gepieten darauff euch  
 allen / vnd ewer yedem ynn sonderheit / bey den pflichten vnd  
 ayden / damit yhr vns vnnnd dem heiligen Reich verwand seid /  
 auch den penen / straffen / vnnnd puessen / ynn vnsern Land  
 frieden zu Wormbs auffgericht / begriffen / Ernstlich mit  
 diesem brieff / vnd wollen das yhr solchen gemeinen frieden /  
 ynn allen sein puncten vnnnd artickeln / wie der von wort zu  
 wort ausgedrückt ist / vestiglich haltet / vnd keiner den an  
 dern / er sey geistlich odder weltlichs standts / darwidder ni  
 cht betrübe noch beschedige / sonder ein yeder den andern genz  
 lich darbey bleiben lasse / dawidder nicht beleidig noch bes  
 schwere / ynn kein weysß / als lieb einem yeden sey vnser vnd  
 des Reichs schwere vngenade vnnnd straffe / vnnnd darzu die  
 peen des bemelten Landfriedens zuuermeyden / darein ein ye  
 der so offft er freuenlich hie widder thette / mit der that gefals  
 len sein sol / das meinen wir ernstlich / mit vrkandt dieses brieffs  
 Geben ynn vnser vnnnd des Reichs stadt Regenspurg / den  
 dritten tag des Monats Augusti. Anno domini 12. Im funff  
 zehen hundertten vnd ym zwey vnd dreyszigsten / vnseres Key  
 serthumbs / ym xij / vnd vnseres Reichs ym xvij.


**W**ir Karl der Fünfft von  
 gots gnaden Römischer Kayser / zu allen  
 zeyten Herrer des Reichs / ynn Germani  
 en / zu Hispanien / Bayder Sicilien / Jhe  
 rusalem / Hungern / Dalmatien / Croatien.  
 12. König / Erzherzog zu Osterreich / Her  
 zog zu Burgundi / Graue zu Habsburg /  
 Flandern vnd Tyrol 12. Embieten allen  
 vnd yegklichen frommen Christglarobigen menschen / Geyst  
 lichs vnd weltlichs Standts / ynn was wir den oder wesen die  
 sein



sein/ den dieser vnser Brieff furkompt/ vnsern freundlichen/  
gnedigen willen/ Gnad vnd alles guts. Wiewol vns gar ni-  
cht zweyffelt/ es sey mehr dann offenbar/ wes furnemen der ver-  
folger vnser Christlichen Namens vnd Glaubens erbfeyndt  
der Türck ist/ Noch dannaoh so haben wir/ als das haubt ge-  
meyner Christenheyt/ dem die sorgfeligkhey von wegen der sel-  
ben Christlichen Glieder zutragen auffgelegt ist/ des yhenen  
so wir bemeldes Türcken warhafftigen vorhabens halber/ ge-  
wisse kuntschafften ynn mehr dann einen weg empfangen/ ne-  
ben vnserm Christlichen vorhaben/ durch dieses vnser offen-  
auschreiben menniglich verkünden/ vnnnd anzeygen wollen/  
Vnd hat nemlich diese gestalt/ ein mal ist es war/ vnnnd sol nie-  
mants daran zweyffeln/ das bemelter Türck/ nach dem Er zu  
Constantinopel mit höchster vnd gröster seiner macht ausge-  
zogen/ auff Sanct Johans tagk/ zu Sonwenden negst ver-  
schienen zu Kriechischen Weysenburgk ankommen ist/ Vnnnd  
hat bald darnach seiner Obersten einen Ambram Wascha  
mit etlichen zansako/ das sein haubtlewt/ vnnnd vnder denen  
viel Tausent pferd/ ynn vorzug auff die Cron Hungern verors-  
dent/ wie er dann vor wenig tagen ynn der Gegent Symich  
genant ankommen ist/ der fürter herauff strayffen/ vud die ver-  
samlung vnser/ Chürfürsten/ Fürsten/ vnnnd Stende des hey-  
ligen Keychs/ Kriegsvolck verhindern soll/ dem nu der bemelt  
Türck aygner person mit gewaltigem heer nachuolgt/ des ent-  
lichen furnemens/ gestrackts ynn Osterreich zuziehen/ vnd vn-  
terstehen die Stad Wien ynn sein gewaltsam zuprenge/ vnd  
also den Schimpff/ Spot/ Schaden/ vnnnd nachteil der Ime  
dannaoh des vergangen Neun vnd zwentzigst iar/ durch nit  
erobern bemelter Stad/ als er auch mit grosser macht darvor  
gewesen/ zugestanden ist/ widderumb zuerholen/ zu dem Er  
wie gedacht vnser kuntschafften lauten ynn mancherley weg  
als mit trefflichē Geschütz/ grossen Mörssern/ Feserwercken  
vnd einer trefflichen anzal Quastadorij vnd Graber auff was-  
ser vnd land versehen sein solle. Vnd dieweil aber wie menig-  
lich

ij. Klich



kllich wayst/ die Stadt Wien ein solcher gelegner Pass / auch  
nu zumal dermassen beuestnet ist / das vns der ein groß bedens-  
cken macht / wo Er ynn des Türcken gewalt kommen solt / dar-  
vor doch der almechtig mit seinen gnaden sein wolle / das sol-  
ches nit der kleinst anfang zu vndertrückung vnsers Christ-  
lichen Namens vñ Glaubens / Na auch zu höchster beraubung  
zeitlicher güter / Erbarmlichen / Elenden hynführen / Ermor-  
den / vnd erschlagen Weyb vnd Kinder / auch zerschlayffung  
vnd verderbung eines yeden Vaterlands / vnd alles des so zu  
eines narung vnd auffenthaltung lebt / vnd auffrecht ist / ge-  
langen würde / Das aber mit Göttlichen gnaden zufurkumen /  
So rüsten wir vns höchstes vnsers vermögens / zum anzug yñ  
das veldt / des entlichen furnemens vnder des heyligen Reichs  
fliegenden Panier / mit vnser macht / aller Stende / vnd der ye-  
nen hylff / die vns verfolgen mag / dem Veynd vnsers Christ-  
lichen Glaubens / ynn eygner person vnder augen zuziehen / vn-  
sern Leyb / vnd alles vnser vermügen nit zu sparn / sonder nach  
verleyhung Göttlicher gnaden vndersteen / die betrangten vn-  
sere Christliche Glyder / aus sein des Türcken Tyranny zuent-  
ledigen / Sie vnd die yhenen / welche noch byßher vor Ihme  
sicher vñ frey gewesen sein / vnter den schatten vnserer flug / das  
ist ynn vnser sicherung zunemen / Sie zu schützen / vnd zuschir-  
men / Nach dem aber solches alles wie obsteet / one anruffung  
vnd Innerlichs hertzlichs bitten gegen Gott (nach dem der  
Sieg allein ynn seiner handt vnd nicht ynn der menig / odder  
stercke des grossen Volcks steet) gar vnuerhoffentlich ist / vnd  
menigklich erachten kan / das gemeiner Christenheit vnd zu-  
uorderst Teütscher Nation / solcher vnser furgenomener Türcken-  
zug / wo zu solchem auß Christlicher wol meinung / einmütis-  
gem guten hertzen / dem almechtigen zu lob / vnd Ere / erhal-  
tung vnd errettung seines Christlichen Glaubens / vnd Volcks /  
ernstliche vnd statliche hylff beschicht / alles heyl / wol fart / vnd  
bestendigen Friden bringen mag / vnd vns gar nie zweyfelt so  
der almechtig ynn rechtem Glauben vnd vertrauen gebeten /  
Er wirdet



Er wirdet vns vñ gemeiner Christenheit / den Sieg wider den  
Türcken reichlich mitteyleu / Demselben nach / so ermanen wir  
Euch all / vnd ewer yeden ynn sonderheit / bey der liebe so Er  
zu Gott dem almechtigen vnd vnserm heyligen Christlichen  
Glauben treget / gnedigs fleiß begerend / Ihr wollet also Ewer  
zuflucht / vertrauen / vnd hoffnung ynn Gott setzen / vñ dabey  
zu hertzen führen / bedencken / vñ betrachten / die gewaltige  
groß macht des Türcken / die er ynn wenig jaren on sonderm  
widerstand auff Ine gepracht / daryñ Er viel Region / Land  
vnd Christlichs volcks / ynn sein Gewalt vberkumen / Demsel-  
ben viel vichisch vnd vnmenschliche Joch ewiger dienstpar-  
keit auffgelegt hat / vnd das solches nit beschehen / auch ytzige  
Teutsche Nation ynn soviel wenigere gefertlichkeit gesetzt were /  
wo vor jaren die fer gefessen denen so nu vnder des Türcken ges-  
horsam gedrungen sein / hilff vnd errettung erzeiget hetten / vñ  
Eur yeder Caus sonder betrachtung das einem yeden frommen  
Christen zustet vnd sein gewissen billich dahyn weisen sol / mit  
seinen beschwerten mitgliedern mitleidig zu sein / denselben zu  
helffen vnd sie ynn nöten nit zu verlassen / also sein vermügliche  
hylff erzeygen / vnd solch löblich Christlich werck / vnser furge-  
numen zugs / mit zuziehen seiner selbs person / odder versolden  
anderer personen / vberschicken vnd zu führen Geschütz / Puluer /  
Prophandt / odder ander Kriegsnotturfft seines vermügens  
fürdern / vnd also ynn solchem den Namen eines frommen Chris-  
ten ym werck erscheinen lassen / vns als dem haubt gemeiner  
Christenheit / auff solchem zug trewlich zusetzen / wie wir vns  
ungezweyfelt zu Euch allen vnd Eur yeden ynn sonderheit ver-  
sehen / Daran erzeiget yhr zuuordrist dem Almechtigen ein wol-  
gefellig werck / Erlangt Euch vnd den Ewrm ewigen lob / vñ  
sichert vnd schirmt damit Eur vaterland / vnd Wir wollen  
solches ynn allem freuntlichen vnd gnedigen willen erkennen /  
vnd bedencken. Geben yñ vnser vnd des Reichs Stat Regens-  
spurg den xvj. tag des Monats Julij Anno ym MCCCXXij. Vn-  
sers Keyserthumbs ym zwelfften vnd vnserer Keyche ym xvij.



Faint, illegible text, likely bleed-through from the reverse side of the page.






<sup>24</sup>  
N 3849 = d

(x227 2742)

~~N~~  
N. 3849  
J. 3849











B.I.G.

Farbkarte #13

Römischer Kayserlich=  
en Maiestat Mandat / den Friedlichen  
anstand des Glaubens vnd Re-  
ligion halben / des Heyligen Keychs  
Deutscher Nation belang  
gend / ausgangen  
Im 1532.

Einerbar Christliche  
vormanung von Keyserlicher  
Maiestat den zug widder den Tys-  
rannen den Türcken  
betreffend.



2c.  
25.

L2,4430

